

Geiq "6·1" Ciet Lwgnyez Youzyenz Hozdung

记“六一”儿童节游园活动

贵港市覃塘区蒙公乡高占小学五(1)班 詹琼丽



Bineix ngoenz "6·1" ciet lwgnyez, ndaw hagdangz geizcaij mbinyangyang, gyoengq doengzhag angqvauvau. Dou daeujdaengz ndaw cauhsangz cizhoz le, yaucangj gangjvah naeuz: "Gyoengq doengzhag, hoh daihgya ngoenzciet angqyangz. Ngoenzneix, raeuz yaek gawjhengz youzyenz hozdung, goemqda roqgyong hozdung youq laj daizheiq gawjhengz, boq labcuk hozdung youq ndaw ngeih it ban gawjhengz, aencaw gwnz fwngz hozdung youq laj go'gyaeuq gawjhengz……" Gangjsat, yaucangj senhbu hozdung hainduj. Yaucangj vah

ngamq gangj sat, gyoengq doengzhag couh lumj duzrwi ok rongz nei yiengq seiqhenz sanq bae.

Gou sien bae guh goemqda roqgyong. Hozdung gvicaek dwg: Sien aeu gaiqbaengz goemq doiq da, ndaw fwngz gaem mbaenq faexgyaengh he, byaij bae baihnaj haenqrengz roq aengyong, roq deng couh ndaej hingz. Gou baux daih'it bae roq, gou goemq ndei doiq da le, cij gamjdaengz laepngaungau, gou byaij baenaj, maqmuengh roq ndaej deng, hoeng byawz rox byaij mbieng lo, mboujdanh roq mbouj deng, vanzlij bungq deng ciengz dem, yinx daeuj gyoengq doengzhag riuhaha. Yienznaeuz gou mbouj ndaej hingz, hoeng ndawsim gou angqvauvau, aenvih gou gamj bae guh.

Guh gvaq goemqda roqgyong mizyinx le, gou youh bae guh hozdung

boq labcuk. Bae daengz giz dieg boq labcuk, gizde vunz gig lai, aendoih baiz ndaej lumj duzlungz raezrangrang nei. Gou hix baiz youq baihlaeng gyoengq doengzhag. Caj hauilai nanz cij daengz gou. Gou bae daengz henz labcuk, hag yiengh gyoengq doengzhag, haenqrengz sup gaemz heiq ndeu, caiq yungh rengz boq, hoeng gou ngamq boq ndaep song diuz labcuk diemj dawz feiz haenx. mboujgvaq lauxsae hix ciengj hawj gou song aen bingj caeuq song naed dangz.

Ciepdwk gou youh bae guh hozdung aencaw gwnz fwngz. Hozdung aencaw gwnz fwngz gvicaek dwg: Cuengq aen binghbanghgiuz youq gwnz bekgiu, youq baihneix byaij bae daengz baihhaenx, mwh byaij mbouj ndaej aeu fwngz rex aengiuz, mbouj ndaej hawj binghbanghgiuz youq gwnz

bekgiuz haenx doek roengzdaeuj. Gou byaij gvaqbae, yawjraen doengzhag gou Lij Mingz gaeng hwnj ciengz lo, de fwngz gvaz gaem aen bekgiuz, gwnz bekgiuz cuengq aen binghbanghgiuz saekhau ndeu, fwngzswix siengj bae rex aengiuz. Aen bak de mbwnj hwnj, doiq da byaengqbyatbyat yawj aengiuz. Yawj yiengh de gig lauheiq aengiuz daj gwnz bekgiuz doek roengzdaeuj. De siujsim sisi dwk yiengq diegdaemx byaij bae, it yamq, song yamq……de gig dwgrengz byaij daengz diegdaemx lo. De angq dwk diuq hwnjdaeuj, angqvauvau bae lingx ciengj lo.

Seizgan gvaq ndaej gig vaiq, cuengqhag lo, gyoengq doengzhag lij sij mbouj ndaej baema. Gou maqmuengh bilaeng "6·1" ciet lwgnyez vaiq di daeujdaengz.

(指导老师:覃红梅)

Gou Gyaiez Doegsaw

我爱读书

贵港市覃塘区蒙公乡高占小学 李华严

Gou dwg baux lwgnyez diuqbeiz ndeu, mbouj gyaiez doegsaw saek di. Daj dingq lauxsae gangj "ndaw saw miz hauilai gim, doeg ndei saw couh dwg baux vunzfouq" le, gou cij menhmenh gyaiez doegsaw.

Dwg ha, lauxsae gangj ndaej mbouj loek ha. Mwngz yawj Mauz cujsi hungmbwk, daj iq couh gyaiez doegsaw, couhcinj youq hoenxcienq seiz, de hix ra ok seizgan daeuj doegsaw, couhcinj mwh hoenxcienq senjdeuz, yaek dawz cungqbauq naekgywg vut bae seiz, de hix mbouj haengj vut gij sawyo de. Lij miz Cangh Haijdz dahcej, de gig gyaiez doegsaw, de daj iq couh byaij loh mbouj ndaej, mbouj ndaej haeujhag doegsaw. Hoeng de coengzlaiz mbouj vut doegsaw bae gvaq, de

swhgeij youq ranz hagsib, doeklaeng baenz baux cozgyah mizmingz ndeu……

Hauilai hauilai gojgeq gyaiez doegsaw son gou dauhleix guh vunz, hawj gou engq gyaiez hwnj doegsaw lo.

Geiq ndaej miz baez ndeu, gou bae suhden yawj saw, gou yawjraen bonjsaw 《Gwzlinz Dungzva》, couh aeu daeuj yawj, gou baez yawj couh haeujmaez lo. Hojsik youq ndaw suhden yawj saw seizgan daiq dinj, mbouj ndaej yawj sat. Gou siengj cawx bonj saw neix, hoeng gou mbouj miz cienz.

Daj suhden dauqma, gou siengj ok aen banhfap ndeu: Bae gip huqfeiq daeuj gai. Gangj guh couh guh, gou sikhaek gaem aen daehndaij okdou, bae gip huqfeiq. Yienghneix gou laebdaeb gip sam

aen singhiz le, gou dawz huqfeiq bae gai, gai ndaej cib maenz ngaenz, cingq ngamj gaeuq cawx bonj saw haenx.

Gou bae suhden cawx bonjsaw 《Gwzlinz Dungzva》, ma daengz ranz, gou sikhaek dawz bonj saw neix okdaeuj yawj, daengz daxmeh heuh gou gwn haex lo, gou lij sij mbouj ndaej cuengq saw roengzdaeuj

Neix couhwdg gou, baux lwgnyez daj mbouj gyaiez doegsaw daengz baux lwgnyez doegsaw haeujmaez ndeu.

(指导老师:覃红梅)



Ronghndwen Caeuq Daengngoenz Doxndoj

月亮和太阳捉迷藏

Ronghndwen caeuq daengngoenz doxndoj
Daengngoenz daeuj ra
Ronghndwen bae ndoj
Daengngoenz goemq aenda
Geq it ngeih sam seiq haj……
Ronghndwen ndoj youq gizlawz ne
Ndaw geh nywj
Ndaw geh va
Roxnaeuz ndaw doenghnaz
Daengngoenz ra ya ra
O
Laxlawz, ronghndwen
Itcig youq baihlaeng daengngoenz ndoj
(seiq nienzgaep Liuz Cuhyenz)

Miz cungj ranz ndeu, mwngz siengj bae gizlawz, de couh riengz mwngz daengz gizlawz.

Baihrog aenranz dwg saekloeg, baihdaw mwngz siengj aeu gijmaz saek, cijaeu mwngz youq bakdou mbaenq aen annuij nganzsaek, genj gij saek mwngz siengj aeu haenx couh ndaej lo. Ndaw ranz miz aen ding ndeu, aen bakcauq ndeu, sam aen rug, aen ranz doegsaw ndeu, song aen ranz-dajcaemx, daengx ranz vunz doxcaeaz youq, gig vuenyungz.

Yaek buen ranz, miz song cungj banhfap, cungj daih'it dwg: Bauxcawj byaij ok rog ranz bae, youq gwnz bakdou mbaenq aen annuij hau caeuq aen annuij henj, aenranz couh rox suk iq, ram hwnj ci couh ndaej yinh bae lo;

Aenranz Saenzgeiz

神奇的房子

贵港市覃塘区蒙公乡高占小学五(1) 黄小烽

cungj daihngaih dwg: Bauxcawj louz youq ndaw gyang ranz, youq bakdou mbaenq aen annuij hau caeuq aen annuij heu, hai aen daujhangzyiz, dingh ndei giz dieg yaek bae haenx, aenranz couh rox suk iq di, caiq iet ok seiq aen loek, lumj aenci ityiengh dap daengx ranz vunz bae giz mwngz siengj bae haenx.

Ndaw ranz lij boiq miz baux vunzgihi ndeu, de rox bang mwngz

guh hongranz, lumjbaenz cingjleix ndaw ranz, dajcawj, baetranz, dajsaeg……Ndaw ranz lij rox gag diuz dohraeuj, daengx bi cungj lumj seizcin ityiengh raeujrub, bauxvunz youq ndaw ranz gwndaenj, geijlai cwxcaih ha!

Cungj ranz neix caen saenzgeiz ha! Mwngz hozhaenz lwi? Gou siengsaenq, bauxvunz ngoenzcog itdingh ndaej youq cungj ranz neix.

(指导老师:覃红梅)

